

DAC COV CAI**NQE LUS I**

Cheeb Tsam Chaw Kawm Ntawv Pawg Neeg Tuav Tswv Yim (DAC)

Pawg neeg tuav tswv yim yuav raug paub tam li Fresno Cheeb Tsam Chaw Kawm Ntawv Pawg DAC.

NQE LUS II

Luag hauj lwm ntawm Pawg Neeg Tuav Tswv Yim

Luag hauj lwm ntawm pawg DAC

Cheeb Tsam Chaw Kawm Ntawv Pawg Neeg Tuav Tswv Yim (DAC) yuav tsum tuav tswv yim rau pawg thawj koj cheeb tsam chaw kawm ntawv txog kev rhawv muaj qhov Kev Npaj Tswj thiab Ris Dej Num hauv Chaw Ib Cheeb Tsam (LCAP) thiab tej kev npaj siv nyiaj txiag txhawb pab qhov kev npaj ua. Lawv liag kev pom zoo yuav qhov LCAP los ntawm cheeb tsam chaw kawm ntawv pawg nom tswj kev kawm, pawg DAC yuav tsum tshuaj xyuas kev siv kom tau txoj kev npaj ua yam tsawg ib xyoos ib zaug thiab txhab lus qhia txog kev tau txiaj ntsim ntawm txoj kev kawm rau cheeb tsam chaw kawm ntawv cov neeg lis dej num siv lub xeev thiab county tej lus teem tseg hauv California Txoj Cai Kawm Txuj Sob Lus 52060. Pawg DAC yuav tsum niaj xyoo tshuaj xyuas cov cai no thiab muab kev hloov kho thaum twg tsim nyog. Pawg DAC yuav tsum ua kom tiav tag nrho lwm cov dej num thiab tej kev ris dej num txib tseg los ntawm cheeb tsam chaw kawm ntawv pawg nom tswj kev kawm thiab lub xeev los yog teb chaws tej cai thiab tej cai muaj feem ntawm Xeev California.

Luag Hauj Lwm ntawm Pawg Nom Tswj Kev Kawm

Txog rau tus ciam uas cov cai no hais tsis txog ib qho teeb meem twg, los yog txog rau tus ciam cov cai no hais tsis meej pem, pawg DAC tso fwj chim rau Fresno Cheeb Tsam Chaw Kawm Ntawv Pawg Nom Tswj Kev Kawm los txhais cov cai los yog txais yuav tej cai tsim nyog raws kev xam pom ywj pheed ntawm Pawg Nom Tswj Kev Kawm.

Cai Coj Cwj Pwm

Cov neeg koom pawg DAC yuav tsum taug qab xyuas Fresno Cheeb Tsam Chaw Kawm Ntawv tej kev saib muaj nqis hauv zej zog tau txais yuav raws li nram no:

1. Kev Ua Neeg Tswj Kav – Peb yuav ntaus thawj thiab taug qab xyuas tam li cov neeg tswj kav ntawm peb thaj chaw, ua tib zoo saib xyuas peb tej khoom muaj nuj nqis hauv zej zog. Peb yuav khiav dej num ua ke los ua kom tau txiaj ntsim ntau tshaj plaws, mus ntev li ntev rau lub zej zog tam li tib pawg neeg;
2. Kev Hla Ciam thiab Kev Sib Koom Tes – Peb txaus siab los hla tej ciam tswj teb kav chaw, haiv neeg, thiab kev ua neej thiab sib koom nrog lwm leej lwm tus los ua kom tau tej kev tshwm sim zoo hauv zej zog. Peb yuav ntaus thawj mus “kom dhau plaws cov phab ntsa” los tsim muaj ib lub zej zog nyob sib xyaws, ua npoj ntws los ntawm kev sib koom siab thiab kev sib koom tes khiav dej num;
3. Kev Kub Siab rau Kev Ua Kom Muaj Tej Kev Tshwm Sim Zoo – Peb txaus siab los tuav kev ris dej num thiab kev ua kom tau tej kev tshwm sim ntsees twg. Peb kub siab lug rau kev nyob koom tes nram kom txog rau thaum tej dej num raug ua tiav;

4. Kev Xav Tias “Yuav Tsum Muaj Peev Xwm Ua Tau Xwb” – Peb ntseeg tias dab tsi los xij yeej yuav tsum muaj kev ua tau nyob rau hauv Fresno Ib Cheeb Tsam. Peb yuav ua zeem muag saib “kev vam meej yam tsis muaj ciam” ces los ua duab nthuav ib lub tswv yim npaj ua tsi ntsees, ua tau nyog rau kev caum kom cuag lub zeem muag ntawd;
5. Kev Muab Kev Txiaiv Txim Siab Raws Qhov Tseeb – Txog rau tus ciam kawg nkaus li ua tau, peb yuav muab kev txiaiv txim siab thiab kev npaj khiav dej num raws tej ntaub ntawv teev lus qhia tseeb, kom zam tau tej teeb meem tsis meej pem los ntawm tej kev xav los yog tej kev xam pom ntiag tug;
6. Kev Qhia Qhov Tseeb – Peb saib muaj nqis rau kev ua kom txhua leej txuam nrog, nrog rau tag nrho cov neeg muaj feem hauv zej zog tib si, los sib qhia yam qhib siab lug thiab ncaj nraim txog tag nrho tej kev paub, kev ua dua, thiab kev xam pom muaj feem rau tes dej num ntawm hau ntej. Peb yuav ris dej num rau kev xyuas kom peb “qhov kev muaj tseeb” yog muaj raws li tam sim, tsis yog yav tag los lawm. Peb sawv daws yuav sib cog ris dej num rau kev tswj nraim tus qauv qhia qhov tseeb;
7. Kev Muaj Vaj Huam Sib Luag – Peb hwm txhua leej neeg thiab lees paub tias yeej muaj tej kev xam pom sib txawv. Lub fwj chim tuav dej num yuav tsis muab tau ib qho tswv yim los yog kev tshwm sim ntxim siab twg, kev muaj tseeb yuav muab tau. Tej kev xam pom los ntawm tej tog neeg sib txawv yuav raug nrhiav nraim los ua kom muaj tej kev tshwm sim zoo kawg nkaus li zoo tau rau lub zej zog;
8. Kev Muab Siab Hlo rau Kev Daws Kev Sib Tawm Tsam – Kev sib tawm tsam yeej zam tsis dhau thiab tej zaum kuj raug tseev kom muaj kom thiaj ua rau muaj tej kev tshwm sim zoo kawg nkaus li zoo tau. Kev sib tawm tsam dawb huv txuam nrog kev saib txhua leej muaj nqis yam tsis thuum txog nws qhov kev xam pom rau ib qho teeb meem twg thiab kev ua siab khov kho rau kev daws kom tau qhov kev sib tawm tsam raws ib tug yam ntxwv zoo txawm nws yuav nyuaj npaum cas loj xij;
9. Kev Taug Ua Raws Kev Muaj Nuj Nqis – Peb yuav tig saib ntsoov rau kev siv ib txoj kev taug ua raws kev muaj cuab kav ua tau, kev muaj nuj nqis zoo rau tib neeg thiab xwm txheej. Peb ntseeg tias kev hloov tau zoo yuav tshwm sim muaj thaum peb txaus siab, saib muaj nqis, thiab nqis peev rau yam uas zoo tshaj plaws rau peb cov neeg thiab lub zej zog;
10. Kev Sib Cov Nyom Kev Ntxim Siab – Peb kam los nthuav tawm ib qho kev sib cov nyom kev ntxim siab ntiag tug los yog raws kev ua dej num twg uas ntxim yuav cov nyom peb qhov hom phiaj ua ntej txuam rau hauv tes dej num uas yuav cuam tshuam lub zej zog. Peb yuav nrhiav kev los zam kom tau txawm yog ib nyuag qhov kev pom ua tau tsis tsim nyog xwb los xij.

Nrog rau lwm yam, tej kev saib muaj nuj nqis no kuj tseev kom cov neeg koom DAC:

1. Yuav tsum yog ib tug neeg koom tes raug xaiv tsa yam tsim nyog los ntawm Fresno Cheeb Tsam Chaw Kawm Ntawv ib lub Tsev Kawm Ntawv Twg Pawg Neeg Tuav Tswv Yim thiab yuav tsum mus koom tej rooj sib tham raug ceeb toom tseg ua ntu zus.
2. Yuav tsum ua raws lub Xeev thiab Teb Chaws txoj cai thiab tej lus qhia ua thiab FUSD Pawg Nom Tswj Kev Kawm txoj cai rau lawv tej kev lis dej num.
3. Yuav tsum ua raws DAC cov cai.
4. Yuav tsum soj ntsuam kev pom zoo ntawm cov neeg uas xaiv tsa lawv rau lawv tes hauj lwm ua Tsev Kawm Ntawv Pawg Neeg Tuav Tswv Yim nrog ib txoj kev ua uas tau tham txog thiab teev tseg lawm.
5. Yuav tsum lis tag nrho DAC tej dej num raws ib tug yam ntxwv koj zoo, paub dej num.

6. Yuav tsum ua lawv tes hauj lwm raug tseev kom ua los tswj thiab tshuaj xyuas cheeb tsam chaw kawm ntawv qhov LCAP.
7. Yuav tsum tsis txhob siv lawv lub luag hauj lwm tam li cov neeg koom DAC los haub ntxias kom muab tej kev txiav txim siab tsis tsim nyog los yog siv lub fwj chim tsis tau tso rau.
8. Yuav tsum tsis txhob sib ntsib los yog npaj siab los muab kom tau kev pom zoo rau tej lus hais sab nraud ntawm tej rooj sib tham tau teem tseg yam tsim nyog lawm.

NQE LUS III Cov Neeg Koom Tes

Sob Lus I – Qhov Coob thiab Kev Sib Koom Ua

Pawg DAC yuav tsum raug sib koom ua los ntawm yam tsawg ib tug neeg koom tes thiab yam ntau ob tug neeg koom tes sawv cev tej lwb lub Tsev Kawm Ntawv Pawg Neeg Tuav Tswv Yim hauv Fresno Cheeb Tsam Chaw Kawm Ntawv. Tej twb tug neeg sawv cev yuav tsum yog ib tug neeg koom tes raug xaiv tsa tau los ntawm nws pawg SSC tam sim. Ib tug neeg koom tes yuav tsum tuav dej num tam li tus neeg sawv cev pov suab xub thawj rau nws pawg SSC. Tus neeg koom tes pov suab nyob tos hloov chaw yuav sawv cev tau rau nws pawg SSC thaum tus neeg koom tes pov suab xub thawj ntsug lawm. Tej pwb pawg SSC yuav tsum txiav txim rau kev ris dej num pov suab ntawm tej twb tug neeg sawv cev thiab lub tsev kawm ntawv tsuas yuav muaj tib lub suab nkaus xwb rau tag nrho DAC tej dej num.

Tej kev xav tau thiab tej chaw muab kev pab ntawm txoj kev txhim kho tsev kawm ntawv tseev kom kev ua neeg koom pawg SSC xam nrog rau kev sawv cev thoob plaws los ntawm cov niam txiv, cov tub kawm ntawv, thiab cov neeg khiav dej num, xam nrog rau tej pawg neeg raws them kev ua neej thiab haiv neeg hauv lub tsev kawm ntawv thaj chaw tuaj koom kev kawm. Pawg DAC yuav tsum pom muaj kev sib txawv ntawm cov neeg koom SSC tuaj thoob plaws Cheeb Tsam Chaw Kawm Ntawv tuaj.

Sob Lus II – Kev Muaj Cai Pov Suab

Tej pwb pawg SSC muaj cai tau ib suab thiab pov tau lub suab ntawd rau tej qhwb qho kev tawm suab raws cai cob tseg kom pov suab los ntawm pawg DAC. Cov ntawv pov suab hloov neeg ntsug lawm los yog cov ntawv pov suab sawv cev lwm tus yuav tsum tsis raug tso cai. Cov neeg sawv cev pawg DAC yuav tsum tuaj tshwj los pov suab.

Sob Lus III – Kev Xaus ntawm Kev Ua Neeg Koom Tes

Kev ua neeg koom tes yuav tsum cia li xaus lawm yog tias ib tug neeg koom tes twg tsis muaj raws tej kev tseev kom muaj rau kev ua neeg koom tes uas ua rau nws raug xaiv tsa rau hauv pawg SSC. Pawg DAC, nrog kev tsuas muaj feem coob ntawm cov neeg koom tes tuaj tshwm, pov suab tau los ncuas los yog ntiab ib tug neeg koom tes twg rau kev muaj qab hau tsim nyog. Kev ua neeg koom tes kuj xaus tau tib yam nkaus thaum muaj ib qho kev pov suab 2/3 los ntawm pawg DAC rau thaum muaj ib qho kev pom tias tus neeg koom tes tau yuam txoj Cai Coj Cwj Pwm teev tseg hauv cov cai no lawm.

Sob Lus IV – Kev Tshais ntawm Kev Ua Neeg Koom Tes

Kev ua neeg koom tes hauv pawg DAC yuav tshais los yog cia li txib kom ua tsis tau.

Sob Lus V – Kev Thov Tawm

Ib tug neeg koom tes twg thov tawm tau los ntawm kev cob ib daim ntawv sau thov tawm rau tus Thawj Coj. Daim ntawv sau thov tawm yuav tsum rais ua ib feem ntawm pawg DAC tej ntaub ntawv khaws tseg rau thaum ho lam muaj ib qho kev sib cam ncauj twg.

Sob Lus VIII – Chaw Tuav Dej Num Seem

Ib qho chaw tuav dej num seem twg hauv pawg DAC yuav tsum raug muab neeg txhab rau tog tshuav ntawm xyoo kawm ntawv raws kev xaiv tsa los ntawm tej lwb lub tsev kawm ntawv pawg SSC.

NQE LUS IV
Cov Neeg Khiav Dej Num

Sob Lus 1 – Cov Neeg Khiav Dej Num

Cov neeg khiav dej Num ntawm pawg DAC yuav tsum muaj ib tug thawj coj, ib tug lwm thawj coj, ib tug neeg lis ntaub ntawv, thiab lwm cov neeg khiav dej num raws li pawg neeg sawv cev xav kom muaj.

Sob Lus II – Kev Xaiv Tsa thiab Ncua Sij Hawm Tuav Dej Num

Cov neeg khiav dej num ntawm pawg DAC yuav tsum raug niaj xyoo xaiv tsa los ntawm cov neeg koom pawg DAC tam sim thiab yuav tsum tuav dej num kom puv ib xyoos los yog txog rau thaum tej twb tug los hloov chaw raug xaiv tsa tau.

Sob Lus III – Kev Taug Ua Kev Xaiv Tsa

Qhov kev niaj xyoo xaiv tsa pawg DAC cov neeg khiav dej num yuav tshwm sim muaj hauv pawg DAC lub rooj sib tham xub thawj ntawm tej xywb xyoos kawm ntawv. Daim ntawv ceeb toom txog qhov kev xaiv tsa yuav raug tso nrog daim Txheej Txheem thiab raug tso tawm hauv cheeb tsam chaw kawm ntawv lub chaw khiav dej num ua ntej lub rooj sib tham. Daim Txheej Txheem kuj yuav raug faib tib si rau tej lwb lub tsev kawm ntawv hauv cheeb tsam chaw kawm ntawv thiab raug xa nrog email los yog U.S. mail mus rau tej twb tug neeg sawv cev pawg DAC.

Tej kev tso npe xaiv tsa rau pawg DAC cov neeg khiav dej num yuav tsum raug thov kom muab nyob rau hauv pawg DAC lub rooj niaj xyoo sib tham xub thawj ntawm tej xywb xyoos kawm ntawv. Kev xaiv tsa cov neeg khiav dej num yuav tsum muaj lawv liag qab kiag tej kev tso npe xaiv tsa. Kev plov meej ntawm tej twb tug neeg qhov kev xaiv tsa rau ib tes hauj lwm twg yuav tsum raug muab nrog ib qho kev tawm suab lus qhuav los yog kev tsa tes los ntawm tag nrho cov neeg koom tes tuaj koom lub rooj sib tham, tshwj yog nws tsis muaj kev ua tau los paub meej txog kev muaj feem ntau los yog ib tug neeg koom pawg DAC twg ho tau thov kom ua ib qho kev tawm suab nrog ntawv pov suab, uas yuav tsum raug ua kiag tam sim. Cov ntawv pov suab yuav tsum raug suav ntawm chaw pom qhib lug hauv lub rooj sib tham. Cov neeg khiav dej num yuav tsum raug xaiv tsa raws kev tau suab feem ntau los ntawm cov neeg koom tes tuaj tshwm. Rau thaum nws tsis muaj cov neeg tso npe xaiv tsa tau txais suab feem ntau, cov neeg tso npe xaiv tsa yuav raug xaiv tsa raws paus ntsis nqis zus raws nraim li tej lus teem tseg ntawm kev tau naj npawb suab siab tshaj plaws los mus. Yog tias nws muaj ib qho kev tau suab sib npaug rau ib tes hauj lwm twg, ib qho kev pov suab kom yeej kiag yuav tsum raug ua tam sim los yog sai li sai tau siv ib txoj kev taug ua kev xaiv tsa sib thooj. Tej kev tshwm sim muaj ntawm pawg DAC tej kev xaiv tsa yuav tsum raug teev tseg hauv tej ntsiab lus tham. Cov ntawv pov suab, yog tias raug siv, yuav tsum raug ceev ua ntaub ntawv khaws tseg rau thaum ho muaj ib qho kev sib cam ncauj twg.

Sob Lus IV – Ncuaj Hawm Tuav Dej Num

Tag nrho cov neeg khiav dej num ntawm pawg DAC yuav tsum tuav dej num kom puv ib lub ncuaj sij hawm tuav dej num ib xyoos. Thaum xaus ntawm ib tug neeg khiav dej num twg lub ncuaj sij hawm tuav dej num lawm, nws raug tso tau npe xaiv tsa thiab raug xaiv tsa tau los tuav ib tes hauj lwm txawv twg, tab sis tuav tsis tau tib tes hauj lwm rau hauv tej xyoo sib law liag.

Sob Lus V – Chaw Tuav Dej Num Seem

Ib qho chaw seem rau ib tes hauj lwm twg yeeb vim kev ploj tuag, kev thov tawm, kev rho tawm, kev tsis muaj feem, los yog lwm yam yuav tsum, raws kev xaiv tsa tshwj xeeb, raug txhab nrog cov neeg koom pawg DAC rau tog tsis tau tas ntawm ncuaj sij hawm tuav dej num.

Sob Lus VI – Thawj Coj

Tus thawj coj yuav tsum tswj tag nrho tej rooj sib tham thiab xee tej ntaub ntawv pov thawj raws li tseev kom muaj thiab lwm cov ntaub ntawv cev lus qhia los ntawm pawg DAC. Tus thawj coj yuav hom kheev rhawv tawm daim txheej txheej sib tham raws kev saib xyuas nrog tus neeg sawv cev Chaw Khiav Dej Num Saib Xeev thiab Teb Chaws Tej Kev Pab, txib cov neeg koom pawg DAC rau tej tes hauj lwm ua pawg neeg sawv cev yau, ntxov xyuas tej tes hauj lwm ntawm daim txheej txheem tau tso tawm lawm, xyuas kom tag nrho tej suab lus hais raug hnov hauv pawg DAC tej rooj sib tham, thiab tswj lub rooj sib tham nrog kev pab los ntawm tus neeg sawv cev cheeb tsam chaw kawm ntawv. Tus thawj coj yuav tau ua kom lub rooj sib tham mus tau yooj yim raws li txoj Cai Coj Cwj Pwm tau txais yuav los ntawm Pawg Nom Tswj Kev Kawm thiab cov cai no.

Sob Lus VII – Lwm Thawj Coj

Tej kev ris dej num ntawm tus lwm thawj coj yuav tsum yog los sawv cev tus thawj coj rau hauv tej dej num txib ua thiab los hloov chaw rau tus thawj coj thaum nws ntsug lawm.

Sob Lus VIII – Tus Lis Ntaub Ntawv

Tus lis ntaub ntawv yuav tsum, nrog kev pab los ntawm tus neeg sawv cev cheeb tsam chaw kawm ntawv, khaws tej ntsiab lus tham tseeb, raug, thiab yog ntawm tag nrho pawg DAC tej rooj sib tham thiab yuav tsum faib tej tsab ntawv teev tej ntsiab lus tham rau tej twb tug ntawm cov neeg koom pawg DAC nyob rau hauv lub rooj sib tham tom qab ntawd. Cov ntsiab lus tham yuav tsum yog luv li luv tau raws ib tug qauv niaj txhis ua los pab rau kev txhais kom nrawm nroos. Tus lis ntaub ntawv kuj yuav tsum khaws ib daim ntawv teev tag nrho cov neeg koom pawg DAC tam sim tib yam nkaus nrog rau lub luag hauj lwm, lub npe, chaw nyob, naj npawb xov tooj, thiab cov hnub teem thaum pib thiab thaum xaus ntawm lawv tej ncuaj sij hawm tuav dej num hauv pawg SSC. Tus lis ntaub ntawv yuav tsum khaws tag nrho tej tsab ntawv teev lus qhia faib tawm hauv tej rooj sib tham tom rau daim ntawv teev txheej txheem sib tham thiab tej ntsiab lus tham thiab muab lawv rau tus neeg sawv cev cheeb tsam chaw kawm ntawv rau kev faib tawm, kev tso kom muaj paus ntsis, thiab kev khaws tseg.

NQE LUS V

Tej Pawg Neeg Sawv Cev

Sob Lus I – Tej Pawg Neeg Sawv Cev Nyob Ruaj thiab Tshwj Xeeb

Pawg DAC txiav txim siab tau los tsa muaj tej pawg neeg sawv cev nyob ruaj los yog tshwj xeeb raws li nws xav kom muaj. Tsis muaj ib pawg neeg sawv cev tshwj xeeb los yog nyob ruaj twg yuav siv tau lub fwj chim ntawm pawg DAC.

Sob Lus II – Kev Ua Neeg Koom Tes

Tshwj yog tau hais ntsees lwm yam li cas los ntawm pawg DAC rau hauv nws qhov kev txiav txim siab los tsa muaj tej pawg neeg sawv cev, tus thawj coj yuav tsum tsa cov neeg koom tes ntawm tej pawg neeg sawv cev yau los ntawm ib daim ntawv teev cov neeg tuaj yeem pab dawb.

Sob Lus IV – Cov Cai

Tej pawg pawg neeg sawv cev txais yuav tau ib co cai rau nws kev lis dej num haum nrog cov cai no, xeev txoj cai, lus qhia ua, los yog FUSD Pawg Nom Tswj Kev Kawm txoj cai tswj pawg SSC/DAC. Pawg DAC, rau nws kev txiav txim siab los tsa muaj tej pawg neeg sawv cev li hais ntawd, yuav tsum qhia ntxaws ntxo txog qhov pawg neeg sawv cev yuav tsum tshaj qhia thaum twg thiab li cas rau pawg DAC.

Sob Lus V – Pawg Neeg Coob Txaus Tham

Ib qho tsuas muaj feem coob ntawm cov neeg koom tes tuaj tshwm ua tau ib pawg neeg coob txaus tham los qhib lub rooj sib tham ntawm pawg neeg sawv cev yau.

Sob Lus VI – Chaw Tuav Dej Num Seem

Ib qho chaw seem twg rau hauv kev ua neeg koom tes ntawm ib pawg neeg sawv cev twg raug txhab tau los ntawm kev tsa cov neeg tuaj yeem pab dawb raws tib tug yam ntxwv li tau ua rau hauv qhov kev tsa thaum chiv thawj.

NQE LUS VI

Tej Rooj Sib Tham ntawm Pawg DAC

Sob Lus 1 – Tej Rooj Sib Tham

Pawg DAC yuav tsum sib ntsib ua ntu zus yam tsawg ob zaug tauj xyoo kawm ntawv. Daim ntawv sim teem sij hawm rau tej rooj sib tham yuav raug xa rau tag nrho cov neeg koom tes thaum pib tej xywb xyos kawm ntawv los txhawb kev koom tes puv npo. Tej rooj sib tham tshwj xeeb raug hais kom qhib tau los ntawm tus thawj coj, los yog tus neeg sawv cev cheeb tsam chaw kawm ntawv, rau thaum muaj ib qho xwm ceev twg los yog los ntawm ib qho kev pov suab feem coob ntawm cov neeg koom pawg DAC.

Sob Lus II – Sij Hawm thiab Chaw Qhib Tej Rooj Sib Tham

Pawg DAC yuav tsum sib ntsib rau ib lub sij hawm thiab chaw uas yooj yim tshaj plaws rau tag nrho tsoom neeg zej zog los txhawb kev sib tham qhib lug los ntawm tsoom pej xeem. Pawg DAC yuav sib ntsib yam tsawg ob zaug tauj xyoo. Pawg DAC qhov chaw sib ntsib yuav tsum nkag tau yooj yim rau tag nrho tsoom neeg pej xeem, xam nrog rau cov neeg xiam oob qhab tib si.

Sob Lus III – Ntawv Ceeb Toom txog Tej Rooj Sib Tham

Tej ntaub ntawv teev txheej txheem sau tseg, txhais tseg ntawm tag nrho tej rooj sib tham yuav tsum raug tso tawm hauv cheeb tsam chaw kawm ntawv lub chaw khiav dej num rau tsoom pej xeem pom thiab lwm cov chaw cuab kev lug yam tsawg 72 xuaj moo ua ntej tej rooj sib tham. Thaum twg siv tau nyog thiab ua tau nyog, tej kev npaj siab ua los ceeb toom zej zog tsev kawm ntawv txog tej rooj sib tham yuav xam tau nrog tab sis tsis tag rau: kev hu vaj tse, kev lo ntawv ceeb toom rau hauv tej chaw pab neeg zej zog, ntawv xov xwm tsev kawm ntawv, ntawv ceeb toom xa mus tsev. Tus neeg sawv cev cheeb tsam chaw kawm ntawv thiab tus thawj coj yuav tsum hom kheev khiav hauj lwm ua ke los txais yuav ib daim txheej txheem twg. Txawm li ntawd los, tej nqe txheej txheem raug txhab tau rau ib daim txheej txheem twg los ntawm tus thawj coj los yog tus neeg sawv cev cheeb tsam chaw kawm ntawv, yog tias nqe lus ntawd muaj feem rau lub luag hauj lwm ntawm pawg DAC.

Sob Lus IV – Pawg Neeg Coob Txaus Tham

Ib pawg neeg coob txaus pov suab yuav tsum yog 50% ntxiv 1 ntawm cov neeg koom pawg DAC tau tuaj tshwm. Tsis muaj kev txiav txim siab ntawm pawg DAC yuav siv tau tshwj yog ib pawg neeg coob txaus tham tau pom zoo. Tej tes hauj lwm seem yuav tsum raug txhab raws nraim li Nqe Lus III saum no hais kom sai li sai tau, txawm tej kev tseev kom muaj neeg coob txaus tham no yuav hais li cas los xij.

Sob Lus V – Tej Kev Txiav Txim Siab

Cov neeg koom pawg DAC tam li cov neeg sawv cev pawg SSC raug xaiv tsa tau yuav siv txoj kev taug ua nram no rau hauv lawv kev muab lus txiav txim siab:

1. Xyuas kom meej thaum caij ntuj tsaug saib tej pwb pawg neeg sawv cev (niam txiv, xib fwb, tub kawm ntawv, lwm cov neeg khiav dej num) yuav ntsuam xyuas kev pom zoo li cas los ntawm cov neeg uas xaiv tsa lawv rau hauv pawg SSC txog tej teeb meem cuam tshuam tseem ceeb rau lub zej zog tsev kawm ntawv. Tus neeg sawv cev cheeb tsam chaw kawm ntawv yuav tsum pab cov neeg koom tes los tsim tawm thiab siv kom tau lawv txoj kev npaj ua los ntsuam xyuas lawv tog neeg. Qhov kev npaj ua yuav tsum rais ua ib feem ntawm kev khaws lus qhia pej xeem rau hauv tej ntsiab lus tham hauv rooj sib tham thiab lwm pawg neeg hauv zej zog yuav raug ceeb toom raws li xav tau.
2. Tsis muaj tej nqe lus hais yuav raug pov suab tau rau los ntawm pawg DAC nyob rau hauv ib lub rooj sib tham twg tshwj yog raug ceeb toom rau hauv daim txheej txheem sau tseg 72 xuaj moo ua ntej lub rooj sib tham lawm. Rau thaum muaj ib qho xwm ceev zam tsis tau twg raws li piav tseg hauv SB 355, pawg DAC pov suab tau rau ib nqe lus hais uas yuav tsum muaj kev taug xyuas kiag tam sim.
3. Tag nrho tej kev txiav txim siab ntawm pawg DAC yuav tsum tsuas raug muab tau nkaus nkaus tom qab ib qho kev pov suab pom zoo los ntawm feem coob ntawm nws cov neeg koom tes tuaj koom rooj sib tham.

Sob Lus VI – Tej Rooj Sib Tham Qhib Lug rau Tsoom Pej Xeem

Tag nrho tej rooj sib tham ua ntu zus, tshwj xeeb, los yog xyuas hauj lwm ntawm pawg DAC thiab nws tej pawg neeg sawv cev nyob ruaj los yog tshwj xeeb yeej qhib lug thiab nkag tau rau tsoom pej xeem. Pawg DAC yuav tsum npaj muaj ib tog sij hawm teem tseg hauv qhov txheej txheem rau pej xeem muab lus txhab ntxiv. Tsoom pej xeem yuav tsum cob lawv lub npe thiab qhov lus txhawj xeeb rau tus Thawj Coj DAC rau kev ua ntaub ntawv khaws tseg thiab nyob raws ib tug ciam sij hawm tauj neeg hais lus hauv ncuas sij hawm faib rau pej xeem muab lus txhab ntxiv. Tag nrho tsoom pej xeem yuav muaj sij hawm qhib sib npaug zos los hais tej teeb meem muaj feem rau tej ntsiab lus sam sim tham txog. Tsoom pej xeem kuj cob tau tej kev txhawj xeeb muaj feem xyuam tib yam nkaus rau hauv ntaub ntawv sau tseg rau tus Thawj Coj DAC. Pawg DAC yuav teb tau, yam tsis muaj kev txiav txim, qho me ntsis rau tsoom

pej xeeem txog lawv tej kev txhawj xeeb. Rau thaum muaj pej xeeem tsim kev kub ntxhov rau lub rooj sib tham, tus Thawj Coj DAC thov tau ib qho kev tawm suab tshwj xeeb los tso chav tsev tawm rau kev so ib nyuag pliag. Yog tias qhov kev kub ntxhov tseem muaj txuas ntxiv, tus Thawj Coj thov tau hauv paus loj los siv txoj Cai Kawm Txuj tej nqe lus teem tseg los thov kom tej twb tug neeg tsim kev kub ntxhov tawm hauv lub rooj sib tham mus.

NQE LUS VII Cov Cai

Sob Lus I – Kev Hloov Kho Cov Cai

Cov cai no yuav tsum raug niaj xyoo tshuaj xyuas los ntawm pawg DAC. Tej kev hloov kho xav kom muab yuav tsum raug tso tawm thiab ua ib zaj lus hais rau kev sib tham qhib lug ua ntej pawg DAC muab kev txiav txim. Kev hloov kho cov cai tseev kom muaj ib qho kev pov suab feem coob ntawm cov neeg koom tes tuaj tshwm. Cov cai yuav tsum tsis cov nyom nrog xeev los yog teb chaws txoj cai, los yog Pawg Nom Tswj Kev Kawm txoj cai.

Sob Lus II – Kev Saib Tau Cov Cai

Cov cai yuav tsum raug txhais rau kev saib tau rau tej pawg neeg hais hom lus muaj neeg coob hais sawv cev hauv zej zog tsev kawm ntawv. Lawv yuav tsum muaj nyob hauv pawg DAC txhua lub rooj sib tham thiab muab tau rau tsoom pej xeeem thaum muaj kev thov.